

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

394/2021 Foru Agindua, urriaren 18koa. Deialdia, Tokiko eta Udalerriaz gaindiko Azpiegituren Sustapenaren eta Finantzaketaren Zerbitzuari atxikitako Bulego Teknikoaren Atalaren buru lanpostua (kodea: 1010.001) berariazko lehiaketa bidez betetzeko

Hutsik dagoenez Tokiko eta Udalerriaz gaindiko Azpiegituren Sustapenaren eta Finantzaketaren Zerbitzuari atxikitako Bulego Teknikoaren Atalaren buru lanpostua (kodea: 1010.001), Lurralde Oreka Saileko foru diputatuak, 2021eko abuztuaren 4ko idazki bidez, eskatu zuen hura betetzeko. Ondorioz, erabaki da lanpostu hori lehiaketa bidez betetzeko deialdia egingo dela iragartzea.

Euskal Funtzio Publikoaren 6/1989 Legeak 46.1 artikuluan ezartzen du funtzionarioentzako gordeta dauden lanpostuak lanpostu zerrendetan ezarritakoaren arabera beteko direla, lehiaketa eta izendapen askeko sistemen bitartez.

Arabako Foru Aldundian indarrean dagoen lanpostu zerrendak ezartzen duenez, Bulego Teknikoaren Atalaren buru lanpostua Arabako Foru Aldundiaren Administrazio Orokorreko karrerako funtzionarioek beteko dute lehiaketa bidez.

Aztertu dugu Kontuhartzaitza eta Kontrol Zerbitzuak Arabako Lurralde Historikoaren Aurrekontua Gauzatzeari buruzko Foru Arauaren arabera emandako 181 zenbakiko arauen kontrol ekonomikoaren txostena.

Diputatuen Kontseiluaren uztailaren 30eko 154/1993 Foru Dekretuaren bidez, funtzio publikoaren alorreko eskumenak ezarri ziren. Bestalde, ekainaren 1eko 23/2021 Foru Dekretuaren bidez, Enplegu, Merkataritza eta Turismo Sustapenaren eta Foru Administrazioaren Sailaren egitura organikoa eta funtzionala onetsi zen. Bi dekretu horietan ezarritakoarekin bat etorritik,

XEDATZEN DUT

Lehenengoa. Deialdia egitea Tokiko eta Udalerriaz gaindiko Azpiegituren Sustapenaren eta Finantzaketaren Zerbitzuari atxikitako Bulego Teknikoaren Atalaren buru lanpostua (kodea: 1010.001) berariazko lehiaketa bidez betetzeko.

Bigarrena. Onespena ematea deialdia arautuko duten oinarriari eta parte hartzeko eskaera orriari (I. eta II. eranskinak).

Hirugarrena. Argitaratzea deialdi honen xede den lanpostuari esleitutako zeregin eta egitekoen zerrenda (III. eranskina).

Laugarrena. Foru agindu honen aurka administrazioarekiko auzi errekurtsua jarri ahal izango da, argitaratzen den egunaren hurrengotik hasi eta bi hilabeteko epean, Gasteizko Administrazioarekiko Auzietarako Epaitegian, edo nahi izanez gero, berraztertze errekurtsua, hilabeteko epean, ebazpen hori eman duen erakunde berean; hori guztia, Administrazioarekiko Auzien Jurisdikzioa arautzen duen uztailaren 13ko 29/1998 Legearen 46.1 artikuluan —Administrazio Publikoaren Administrazio Prozedura Erkidearen urriaren 1eko 39/2015 Legeak 123. artikuluan xedatutakoarekin loturik— xedatutakoaren arabera.

Vitoria-Gasteiz, 2021eko urriaren 18a

Bigarren diputatu nagusiordea eta Enplegu, Merkataritza eta Turismo Sustapenaren eta Foru Administrazioaren Saileko foru diputatua
CRISTINA GONZÁLEZ CALVAR

**I. ERANSKINA****BLUEGO TEKNIKOKO ATALAREN BURU LANPOSTUA (KODEA: 1010.001)**
BERARIAZKO LEHIAKETA BIDEZ BETETZEKO DEIALDIAREN OINARRIAK**LEHENENGOA.- DEIALDIAREN XEDEA**

Deialdi honen xedea da hutsik dagoen Bulego Teknikoko Atalaren buru lanpostua (kodea: 1010.001) berariazko lehiaketa bidez betetzea.

BIGARRENA.- LANPOSTUAREN DESKRIBAPENA:

Sailkapen taldea:	A
Sailkapen azpitaldea:	A2
Destino-osagarriaren maila:	23
Berariazko osagarria:	40.563,60 euro
Hizkuntza eskakizuna:	3, derrigortasun datarik gabe
Lantoki herria:	Vitoria-Gasteiz
Dedikazioa:	esklusiboa
Prestasuna:	40 ordu

HIRUGARRENA.- PARTE HARTZEKO BALDINTZAK

Arabako Foru Aldundiaren Administrazio Orokorreko karrerako funtzionarioa izatea; A titulazio taldekoa / A2 azpitaldekoa eta administrazio bereziko eskalako zerbitzu berezien azpieskalakoa izatea (klasea: erdi-mailako teknikaria; espezialitatea: herrilanteko ingeniari teknikoa, arkitekto teknikoa edo baliokidea), bat etorritik Eusko Jaurlaritzaren uztailaren 30eko 208/1990 Dekretuan xedatutakoarekin. Horrez gainera, B gidabaimena ere eduki behar da.

Deialdi hau argitaratu aurreko bi urteetan behin betiko destinorik lortu ez izana, lehiaketa sistema, barne sustapen edo kanpoko hautaketa bidez.

LAUGARRENA.- PARTE HARTZEKO ESKAERA

Lehiaketan parte hartzeko eskaerak deialdi honen II. eranskinean jasotako eredu normalizatuan aurkeztuko dira, bigarren diputatu nagusiorde eta Enplegu, Merkataritza eta Turismo Sustapenaren eta Foru Administrazioaren Saileko foru diputatuari zuzenduta, Arabako Foru Aldundiko Erregistro Orokorrean (Probintzia plaza, 5-behea; 01001 Gasteiz) edo Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan adierazitako bulegoetako edozeinetan. Horretarako, 15 egun balioduneko epea izango da deialdi hau ALHAOn argitaratu eta hurrengo egunetik kontaktzen hasita.

Eskaeran honako hauek jarri behar dira:

- Deialdi honen hirugarren oinarrian eskatzen diren baldintzak betetzen direla ziurtatzen duen adierazpena.
- Euskara azterketa egin nahi dutenek hala adierazi beharko dute eskaera orrian.
- Alegatzen diren merezimenduak. Merezimenduak ziurtagiri bidez egiaztatu behar dira, eta ezin da alegatu haiek badaudela Arabako Foru Aldundiaren administrazio agiritegitan.



Ez da honako hauen ziurtagiririk aurkeztu beharko:

- a) Arabako Foru Aldundiak aitortutako antzinatasuna eta norberaren gradua.
- b) Arabako Foru Aldundiko lanpostuetan egondako denbora, egindako lana balioesteko.

Merezimenduak balioesteko erreferentzia data deialdia ALHAOn argitaratzen den eguna izango da eta ez dira kontuan hartuko eskaerak aurkezteko epearen barruan egiaztatzen ez diren merezimenduak, nahiz eta haien aipamena egin eskaeran.

Merezimenduak eta betekizunak ariketa baten bidez egiaztatzen direnean, ariketa egin arte atzeratuko da aipaturiko erreferentzia data.

BOSGARRENA.- ONARTUEN ETA BAZTERTUEN ZERRENDAK

Eskaerak aurkezteko epea bukatuta, bigarren diputatu nagusiorde eta Enplegu, Merkataritza eta Turismo Sustapenaren eta Foru Administrazioaren Saileko diputatuak Arabako Foru Aldundiaren intraneten (Gurenet) emango du argitara onartuen eta baztertuen zerrenda, eta 3 egun balioduneko epea irekiko da, hura argitaratu eta hurrengo egunetik aurrera, erreklamazioak aurkezteko. Epe hori igaro eta erreklamazioak ebatzita -halakorik egonez gero-, argitara emango da onartuen eta baztertuen behin betiko zerrenda.

SEIGARRENA.- BALIOESPEN BATZORDEA

Merezimenduak, bai orokorrak bai berariazkoak, balioespen batzorde batek balioetsiko ditu. Horretako kideak bigarren diputatu nagusiorde eta Enplegu, Merkataritza eta Turismo Sustapenaren eta Foru Administrazioaren Saileko diputatuak izendatuko ditu. Haren osaera onartutakoekin behin betiko zerrendarekin batera emango da argitara. Batzordekideen egokitasuna eta gaitasuna bermatuko dira eta, ahal den neurrian, emakumeen eta gizonen kopuruak orekan izango dira.

Batzordeburuak, idazkariak eta hiru batzordekideek osatuko dute batzordea.

Balioespen batzordeko kide izatea norberaren izenean izango da beti; hau da, batzordean ezin da besteren ordezkartzan edo besteren kontura jardun.

Balioespen batzordeko kide izango diren egokitasuna eta gaitasuna bermatzeko, deialdia egiten duen erakundeak zainduko du haiek deialdiaren xede den lanpostuko eginkizunen edukia berri izan dezaten.

Balioespen batzordeak ebatziko ditu arau hauek aplikatzerakoan sor litezkeen zalantza guztiak, bai eta aurreikusi gabeko kasuetan zer egin behar den ere.

Boto berdinketarik gertatuz gero, batzordeburuak izango du kalitate botoa.

Balioespen batzordea ezin izango da eratu ez lanean aritu gutxienez batzordeko hiru kide biltzen ez badira, titularrak nahiz ordezkariak; gainera, batzordeburua eta idazkaria nahitaez egon behar dira bileran.

Sektore Publikoaren Araubide Juridikoaren urriaren 1eko 40/2015 Legeak 23. eta 24. artikuluetan aurreikusitako egoeraren bat gertatuz gero, balioespen batzordeko kideek ezingo dute lan horretan jardun, eta deialdia egin duen agintaritzari horren berri eman beharko diote. Gainera, izangaiek batzordekideak errefusatu ahal izango dituzte.

Hautaketa prozesuko edozein unetan balioespen batzordeak jakiten badu izangairen batek ez duela betetzen deialdian ezarritako betekizunen bat edo gehiago, aldeztatik interesdunari entzunda, izangai hori baztertu dezala proposatu beharko dio organo eskudunari eta eskaeran izangaiek adierazitako oker edo faltsukeriak adierazi.



Balioespen batzordeak hautaketa prozesuko edozein unetan eskatu ahal izango ditu alegatutako merezimenduen balioespen prozesuaren edozein fasetan eragina duten jatorrizko agiriak.

Jarduteko prozedura une oro lotuko zaio Administrazio Publikoen Administrazio Prozedura Erkidearen urriaren 1eko 39/2015 Legean eta Sektore Publikoaren Araubide Juridikoaren urriaren 1eko 40/2015 Legean ezarritakoari.

Hizkuntza eskakizuna egiaztatzeko azterketetan, IVAPeko ordezkari bat ere arituko da.

Balioespen batzordeak adituak izendatu ahal izango ditu; aditu horiek aholkulariak izango dira beren espezialitateko gaietan, hitzarekin baina botorik gabe.

ZAZPIGARRENA.- LEHIAKETA AURRERA ERAMATEA

Deialdiak fase hauek ditu: A) Merezimendu orokorren fasea B) Berariazko merezimenduen fasea.

A) Merezimendu orokorrak

Fase horretan, gehienez ere, 13 puntu lortu ahal izango dira. Honela egingo da balioespena:

1. Egindako lanaren balioespena

Herri administrazioetan egindako lanarengatik gehienez ere 4,25 puntu eskuratu daitezke, honako baremo honen arabera:

- a) 0,05 puntu, deituta dagoen lanpostu berdinean jardundako hilabete oso bakoitzeko; gehieneko puntuazioa: 4,25.
- b) 0,035 puntu, buruzagitza izan gabe, deialdiaren gaia den lanpostuko eginkizun eta zereginekin funtsean bat datozen lanpostuetan jardundako hilabete oso bakoitzeko, gehieneko puntuazioa: 3,25.
- c) 0,025 puntu, deitutako lanpostuaren talde bereberetako dagozkien lanpostuetan jardundako hilabete oso bakoitzeko, baldin eta zereginak eta egitekoak funtsean bat badatoz deialdiaren gaia den lanpostua atxikita dagoen unitatean kudeatzen direnekin; gehieneko puntuazioa: 2,25.
- d) 0,010 puntu, deitutako lanpostuaren talde bereko lanpostuetan jardundako hilabete oso bakoitzeko; gehieneko puntuazioa: 1.

Aurreko c) eta d) apartatuak batuta ezin izango dira 2,25 puntu baino gehiago lortu.

2. Antzintasuna

Administrazio publikoei emandako zerbitzuengatik aitortutako antzintasuna hartuko da kontuan. 3,5 puntu lor daitezke gehienez, hain zuzen ere, 0,012 puntu lanean egindako hilabete oso bakoitzeko.

3. Norberaren gradu finkatuaren balioespena

Gradu finkatuarengatik, gehienez ere, 1,5 puntu emango dira, ondorengo banaketaren arabera:

- Eskatutako lanpostuarena baino bi maila altuagoa edo are altuagoa: 1,5 puntu
- Eskatutako lanpostuarena baino maila bat altuagoa: 1,25 puntu
- Eskatutako lanpostuaren maila berdina: puntu 1.
- Eskatutako lanpostuarena baino maila bat baxuagoa: 0,75 puntu
- Eskatutako lanpostuarena baino bi maila baxuagoa: 0,50 puntu



4. Ikasketa tituluak

Eskatzen den lanpostua lortzeko beharrezkoak direnez bestelako ikasketa titulu ofizialak balioetsiko dira, deitutako lanpostuaren unitatearen zeregin eta egitekoekin funtsean duten lotura kontuan hartuta, gehienez 2 punturaino, baremo honen arabera:

- Doktore titulua: 1,5 puntu.
- Lizentzia, ingeniaritza, arkitektura edo gradu eta master baliokidea: 1,25 puntu.
- Ingeniaritza teknikoa, unibertsitateko diploma, arkitektura teknikoa edo gradu baliokidea: 1 puntu.
- Masterrak, diplomak eta unibertsitateen berezko bestelako tituluak, 300 ordu edo gehiagokoak: 0,75 puntu.
- Masterrak, diplomak eta unibertsitateen berezko bestelako tituluak, 200 ordu edo gehiagokoak: 0,5 puntu.

Ez dira balioetsiko lanposturako nahitaezkoa den titulua lortzeko behar diren titulu apalagoak, ez eta merezimendu gisa balioetsitakoak ere.

5. Prestakuntza ikastaroak

Eskatzen den lanpostuaren berezko eginkizunekin edo haietan jarduteko eskatzen diren trebetasunekin lotutako gaietan jasotako prestakuntza eta hobekuntza ikastaroak balioetsiko dira.

0,50 puntu emango da 200 orduetik gorako ikastaroengatik, eta 0,25 puntu 100 orduetik gorakoengatik.

Iraupena kreditutan adierazten denean, kreditu bakoitzeko 10 ordu balioetsiko dira, beste zehaztapenik ez dagoenean.

ECTS kredituak adierazten badira, kreditu bakoitzeko 25 ordu balioetsiko dira.

Ikastaroen ziurtagirietan ordu kopurua edo kredituak zehaztu beharko dira; bestela, ez dira balioetsiko.

Informatikan ez dira balioetsiko ofimatikako oinarrizko ikastaroak, ez eta balioespen batzordeak lanerako oinarrizkotzat jotzen dituenak ere. Arabako Foru Aldundiaren berezko informatika aplikazioetako prestakuntza ere ez da balioetsiko.

Ez dira balioetsiko errepikatutako ikastaroak, ez eta segurtasuneko oinarrizkoak ere.

Ez dira balioetsiko bukatu gabeko ikasgaiak, kredituak eta ikastaroak.

Atal honetan gehienez ere puntu 1 lortu ahal izango da.

6. Hizkuntzak

Jarraian ageri den taularen arabera balioetsiko da Europar Batasuneko hizkuntza ofizialen ezagutza (EAEn ofizialak direnak izan ezik), eta atal honetan gehienez ere 0,75 puntu lortu ahalko dira:

- B-2: 0,25 puntu
- C-1: 0,50 puntu
- C-2: 0,75 puntu

**B) Berariazko merezimenduak**

Bi zati izango ditu:

1. zatia: lortu nahi den lanpostuko jardunarekin loturiko ariketa teoriko-praktiko bat egin beharko da. Probaren zati bat edo batzuk ahoz azaldu beharra ere egon daiteke. Zati horretan, gehienez ere 13 puntu lortu ahal izango dira.

2. zatia: jokabideei buruzko elkarrizketa egituratua egingo da, hautagaia lanpostuak eskatzen duen gaitasun profiltera, agintzeko eta pertsonak zuzentzeko gaitasunetara eta antolaketako gaitasunetara egokitzen den neurtzeko helburuarekin. Zati horretan, gehienez ere 13 puntu lortu ahal izango dira.

Elkarrizketa hori egiteko baino ez, balioespen batzorde bat eratuko da. Bi kidek osatuko dute, eta elkarrizketak egiteko homologazioa eduki beharko dute. Emandako puntuazioa balioespen batzordeari aurkeztuko zaio eta hark guztirako puntuazioari erantsi beharko dio. Haren osiera onartutakoekin behin betiko zerrendarekin batera emango da argitara.

Destinoa esleitzeko lortu beharreko gutxieneko puntuazioa:

Gutxienez 2,50 puntu lortu beharko dira merezimendu orokorren fasean, 6,50 puntu berariazko merezimenduen lehenengo zatian adierazi den proban, eta 6,50 jokabideei buruzko elkarrizketa egituratuan.

ZORTZIGARRENA.- EUSKARAREN EZAGUTZA

Euskara merezimendu gisa balioesteari dagokionez, baremo honen arabera egingo da, 86/1997 Dekretuan ezarritakoarekin bat etorritik:

1. HE: gehienez lortu ahal den puntuazioaren ehuneko 5.
2. HE: gehienez lortu ahal den puntuazioaren ehuneko 6,25.
3. HE: gehienez lortu ahal den puntuazioaren ehuneko 11.
4. HE: gehienez lortu ahal den puntuazioaren ehuneko 13,75.

Eskatzen den lanpostuaren hizkuntza eskakizun berari, goragokoari edo beheragokoari dagokion IVAPen ziurtagiriaren edo baliokideren baten bitartez egiaztatu ahal izango dira, edo bestela deialdi honen barruan egingo den azterketaren bitartez. Azterketa onartuen behin betiko zerrenda argitaratzearekin batera iragarriko da.

BEDERATZIGARRENA.- BERDINKETA, LEHIAKETA OSOKO PUNTUAZIOAN

Puntuazioan berdinketa gertatuz gero, irizpide hauek baliatuko dira puntuazioa ebazteko:

- a) Azpieskalan eta lanpostuaren mailan (lanpostuari esleitutako destino-osagarri gisa ulertuta) emakumeen ordezkartza ehuneko 40tik beherakoa bada, emakumeei lehenetasuna emango zaie, ez bada, behintzat, beste hautagai batzuek sexu bereizkeriazkoak ez diren zioak dituztela neurri hau ez aplikatzeko, hala nola enplegu sustapenerako zailtasun bereziak dituen kolektiboren batekoa izatea.
- b) Berariazko merezimenduen faseko gehieneko puntuazioa, handienetik txikienera. Hala ere, berdinketak irauten baldin badu, merezimendu orokorren baremoan ezarritako gehieneko puntuazioaren arabera, handienetik txikienera. Merezimenduek puntuazio berdina ezarrita daukatenean, deialdiko oinarrietan adierazitako hurrenkeran.



- c) Berdinketak jarraitzen badu, bi kasuetan irizpide hauetara joko da, hurrenkera honetantxe: lehiaketan nondik parte hartzen duen, eskala, azpieskala eta klase horretan karrerako funtzionario gisa antzintasun handiena duena; karrerako funtzionario gisa antzintasun handiena duena; azkeneko behin betiko lanpostuan antzintasun handiena duena; administrazioan antzintasun handiena duena.
- d) Hala ere berdinketa ebazteko irizpide gehiago behar izanez gero, balioespen batzordeak zehaztuko du merezimenduaren printzipioari jarraiki.

HAMARGARRENA.- EMAITZAK ARGITARATZEA

Interesdunei jakinaraziko zaie merezimenduen balioespena. Haren aurrean erreklamazioak aurkezteko 10 egun balioduneko epea emango da, argitaratu eta hurrengo egunetik hasita.

HAMAIKAGARRENA.- DESTINOA ESLEITZEA

Balioespen batzordeak, aurkeztu zaizkion erreklamazioak ebatzi ondoren, izendapen proposamena egingo dio bigarren diputatu nagusiorde eta Enplegu, Merkataritza eta Turismo Sustapenaren eta Foru Administrazioaren Saileko diputatuari.

Esleipendunak lehiaketan lortutako lanpostuaz jabetu beharko du, eta, hala badagokio, aurreko lanpostuaren titulartasuna galduko du, egoera hauetan izan ezik: lanpostuaz jabetzeko epea amaitu baino lehen deialdi publikoaren bitartez beste destino bat lortu izana; gerora sortutako ezgaitasuna; zerbitzu aktiboa ez den beste egoera batera iragan izana; edo bestelako ezohiko zioak, behar bezala justifikatuak eta deialdia egiten duen organoak ontzat emanak.

HAMABIGARRENA.- IZENDAPENA ETA LANPOSTUAZ JABETZEA

1. Jatorrizko lanpostua lehiaketaren ebazpena ALHAOn argitaratu eta hurrengo egunean utziko da. Salbuespenez, epe hori luzatu ahal izango da behar bezala arrazoitako egoera batzuetan. Zerbitzuko arrazoiengatik jatorrizko lanpostua uztea atzeratu zaionari lanpostu berrian egindakotzat kontatuko zaio jatorrizkoa benetan utzi arte igarotzen den denbora.

2. Lanpostuaz jabetzeko data lehengoaz uzten den egunaren hurrengo izango da. Ebazpenak zerbitzu aktibora itzultzea badakar, lanpostuaz jabetzea lehiaketaren ebazpena argitaratzen den egunaren hurrengo hiru egun baliodunen barruan egin beharko da.

3. Lanpostuaz jabetzea langile funtzionarioen baimen, lizentzia, opor edo bestelako egoerak amaitu arte atzeratuko da, baldin eta funtzionario horiek zerbitzu aktiboari eusten badiote eta egoerak zerbitzua benetan ematea galarazten badu. Salbuespenez, eta behar bezala arrazoitu eta justifikaturiko arrazoiengatik, organo eskudunak horien gozamena etetea erabaki dezake.

4. Antolamenduko zioengatik hala egitea komeni denean, esleipen ebazpenean adierazi ahal izango dira jatorrizko lanpostua uzteko eta lanpostu berriaz jabetzeko data zehatzak.

Ezintasunen bat duten funtzionarioek lehiaketan parte hartzeko eskaera orrian bertan adierazi ahal izango dute eskatzen duten lanpostua egokitzeko beharra. Bana-banako elkarriketan balioespen batzordeak beharrezko deritzon informazioa eskatu ahal izango dio interesdunari eskatu duen egokitzapenez, bai eta eskumena duten organo teknikoaren irizpena ere lanpostu horren egokitzapenaren egokitasunari eta egiteko eta zereginetik bateragarritasunari buruz.

HAMAHIRUGARRENA.- AURKARATZEA



Oinarri hauek, deialdia bera eta horretatik eta balioespen batzordearen jardunetik sortzen diren administrazio egintza guztiak aurkaratu ahal izango dira, Administrazio Publikoaren Administrazio Prozedura Erkidearen urriaren 1eko 39/2015 Legean ezarritako kasu eta moduetan.



Arabako Foru Aldundia
Diputación Foral de Álava

II. ERANSKINA / ANEXO II
HAUTAKETA PROBETARAKO ONARTUA IZATEKO ESKABIDEA
SOLICITUD DE ADMISIÓN A PRUEBAS SELECTIVAS

Deialdia / Convocatoria

NAN / DNI		Pasaporte/Pasaporte	
1. abizena / 1º apellido	2. abizena / 2º apellido	Izena / Nombre	
Helbidea / Domicilio			
Herria / Población	Lurraldea / Provincia	PK / CP	
Tel. mugikorra / Tel. móvil		2. Tel.	
E-posta / Correo electrónico			

Adierazi gurutze batez aukera egokia / Señale con una cruz la opción que proceda:

Egiaztatzen duen Hizkuntza Eskakizuna / Perfil Lingüístico que acredita:

- HE1 edo baliokidea PL1 o equivalente
 HE2 edo baliokidea PL2 o equivalente
 HE3 edo baliokidea PL3 o equivalente
 HE4 edo baliokidea PL4 o equivalente

Zer euskara proba egin nahi duzu? / Prueba de Euskera que desea realizar:

- HE1 edo baliokidea PL1 o equivalente
 HE2 edo baliokidea PL2 o equivalente
 HE3 edo baliokidea PL3 o equivalente
 HE4 edo baliokidea PL4 o equivalente

Azterketak zein hizkuntz ofizialetan egin nahi dituen/Idioma oficial en el que desea realizar los exámenes:

- Euskara / Euskera
 Gaztelania / Castellano

EGIAZTATZEN DIREN MEREZIMENDUEN ZERRENDA / RELACIÓN DE MÉRITOS QUE ACREDITA

BESTE ADMINISTRAZIOETAKO LANPOSTUETAN EGINDAKO LANA

DESEMPEÑO DE PUESTOS DE TRABAJO EN OTRAS ADMINISTRACIONES

Soilik baliotsiko da egitekoen ziurtagiria aurkezten bada / Solamente se valorará si se aporta el certificado de funciones

1

2

3

GIZA BALIABIDEEN ZERBITZUA. FUNTZIO PUBLIKOKO ZUZENDARITZA. ENPLEGU, MERKATARITZA ETA TURISMO SUSTAPENAREN
ETA FORU ADMINISTRAZIOAREN SAILA
SERVICIO DE RECURSOS HUMANOS. DIRECCIÓN DE FUNCIÓN PÚBLICA. DEPARTAMENTO FOMENTO EMPLEO, COMERCIO Y
TURISMO Y DE ADMINISTRACIÓN FORAL.
Probintzia plaza 14 – 3.a / Plaza de la Provincia 14 – 3º. 01001, Vitoria - Gasteiz

IKASKETA TITULUAK / TÍTULOS ACADÉMICOS
1
2
3

PRESTAKUNTZA IKASTAROAK / CURSOS DE FORMACIÓN	ORDU KOP. Nº HORAS	NOIZ EGINA FECHA DE REALIZACIÓN
1
2
3
4
5
6
7
8
9
10

EUROPAR BATASUNENKO HIZKUNTZAK, EAE-KO OFIZIALAK IZAN EZIK IDIOMAS DE LA UNIÓN EUROPEA CON EXCEPCIÓN DE LOS OFICIALES DE LA C.A.V.
1 2 3

<p>Eskaera honen goiko aldean zehaztutako eskatzaileak eskatzen du adierazitako hautaprobetan onartua izatea, eta aitortzen du hemen jarritako datu guztiak egiazkoak direla, eta betetzen dituela parte hartu nahi duen hautaprobetan onartua izateko bete behar diren baldintza guzti-guztiak.</p>	<p>La/el solicitante, cuyos datos personales figuran en el encabezamiento de esta instancia, solicita ser admitida/o a las pruebas selectivas a que se refiere la presente solicitud, declara que son ciertos todos los datos consignados en esta instancia y que reúne todos y cada uno de los requisitos exigidos para ser admitida/o en las pruebas selectivas correspondientes</p>
<p>Vitoria – Gasteiz, (Data / Fecha).....</p>	<p>IZENPEA / FIRMA</p>
<input type="checkbox"/>	<p>Baimena ematen dut emandako datuak "Lan publikoaren eskaintza" tratamendu jardueran sartzeko. Doy mi consentimiento para que los datos facilitados sean incluidos en la actividad de tratamiento "Oferta de empleo público"</p>

Datu pertsonalak babesteari buruz indarrean dagoen legediak ezarritakoa betetze aldera, jakinarazten dizugu zuk ematen dizkiguzun datuak sartuko direla Arabako Foru Aldundiaren "Enplegu publikoaren eskaintza" izeneko tratamendu-jardueran. Tratamendu-jarduera horren helburua da Arabako Foru Aldundiko Administrazio Orokorrean zerbitzuak emateko langileak hautatzeko prozesuen kudeaketa eta jarraipena egitea eta parte-hartzaileei informazioa ematea.

Datuak eskuratzeko, zuzentzeko, ezerezteko, aurka egiteko, mugatzeko eta transferitzeko eskubideak egikaritu ahal izango dituzu, betiere, Arabako Foru Aldundiko Erregistro Bulegora zuzenduz, Probintzia plaza, 5, PK 01001 Gasteiz - Gasteiz (Araba). Informazio gehiagorako:

<http://www.araba.eus/web/LegezkoOharHedatua>

Con objeto de dar cumplimiento a lo establecido por la legislación vigente en materia de protección de datos de carácter personal, le informamos que los datos que Vd. nos facilita van a ser incluidos en la actividad de tratamiento "Oferta de empleo público" titularidad de Diputación Foral de Álava cuya finalidad es la gestión y seguimiento de los procesos para la selección de personal para la prestación de servicios en la Administración General de la Diputación Foral de Álava, así como informar a los participantes del desarrollo de dichos procesos.

Usted podrá ejercitar sus derechos de acceso, rectificación, supresión, oposición, limitación y portabilidad que reconoce la legislación dirigiéndose a la Oficina de Registro de la Diputación Foral de Álava, Plaza de la Provincia, 5, CP 01001 Vitoria - Gasteiz (Álava). Para más información:

<http://www.araba.eus/web/AvisoLegalAmpliado>

**GIZA BALIABIDEEN ZERBITZUA. FUNTZIO PUBLIKOKO ZUZENDARITZA. FORU ADMINISTRAZIOAREN SAILA
SERVICIO DE RECURSOS HUMANOS. DIRECCIÓN DE FUNCIÓN PÚBLICA. DEPARTAMENTO DE ADMINISTRACIÓN
FORAL.**

Probintzia plaza 14 – 3.a / Plaza de la Provincia 14 – 3º. 01001, Vitoria - Gasteiz



Arabako Foru Aldundia
Diputación Foral de Álava

Enplegu, Merkataritza eta Turismo Sustapenaren
eta Foru Administrazioaren Saila
Departamento de Fomento del Empleo, Comercio
y Turismo y de Administración Foral

Funtzio Publikoko Zuzendaritza
Dirección de Función Pública

BULEGO TEKNIKOKO ATALAREN BURUA

EGITEKOAK*

Laguntza programak kudeatzeko beharrezkoak diren tresnen eta prozeduren etengabeko hobekuntza proposatzea eta kudeatzea.

Kanpoko teknikariek egindako proiektuak eta bestelako dokumentazio teknikoa idazten eta berrikusten laguntzea, laguntza programek hala aurreikusten badute.

Txostenak eta bestelako dokumentu teknikoak egitea.

Sailaren edo sailen arteko azterlanak egitea, Zerbitzuarekin lankidetzan: diagnostikoa, inbertsioen aurreikuspena eta edozein mailatako premien prospekzioa.

Zerbitzuaren buruarekin lankidetzan aritzea laguntza programak arautzen dituen araudia eta ebazpen proposamenak diseinatu eta egiteko.

Arabako herriguneetako azpiegituren eta ekipamenduen inbentarioa (AHAEI) kudeatzea. Obra eskaeran inplikaturako erakundeei aholku ematea, laguntza espediente izapidetzearekin lotutako alderdiei buruz.

Laguntza programen bidez diruz lagundutako obrak ikuskatzea.

Bere Unitateari atxikitako teknikarien ikuskapen eta aholkularitza jarduera kontrolatzea.

(*) Agiri honetan zehaztutako egitekoak bat datoz lanpostuaren oinarri funtzionalarekin. Hala ere, hierarkian gaineratik daudenek hala aginduz gero, beste hainbat egiteko ere egin beharko dira, baldin eta eremu funtzional eta kategoria berekoak badira.